

欽定剿平粵匪方略

欽定勦平粵匪方略卷六十三 癸丑年

十月初一日

壬申

桂良奏言查九月二十三日逆

賊由獻縣猝竄交河該縣孔慶銓督率同城文武及練勇千餘名分路堵守不料賊衆勇少被賊將城攻破該縣見勢難敵卽率其子舉人孔繁渥罵賊不屈被賊將其父子亂砍致死復用秫稽燒燬屍身該縣父子一門忠孝節烈堪嘉

洵不愧爲聖裔合無仰懇

恩施優給卹典以表忠烈並據該紳民等請立專祠之

處恭候

命下施行奏入

上諭內閣曰賊匪由獻縣竄擾交河因賊衆勇少將縣城攻破該縣知縣孔慶銓率其子舉人孔繁渥罵賊不屈均被戕害情殊慘烈該縣父子一門忠孝允宜

特沛殊恩以慰忠魂孔慶鈺著追贈知府卽照知府
例賜卹孔繁渥一併交部議卹該縣紳民請設立專
祠之處並著准行

同日

上命軍機大臣傳諭勝保西凌阿善祿曰前因西凌阿
善祿於河南山西勦賊出力加恩派令幫辦軍務冀
與勝保同心合力迅速奏功方欲懸重賞以待功成

乃賊氛日近而該都統將軍經勝保催令先進扼賊
北竄轉落勝保之後若謂途中阻滯何以勝保又能
跟追向前天津情形急迫雖勝保趕到與文謙等先
行攻擊而運河東西兩岸路徑紛歧若非分路兜截
何以盡殲醜類天津距京甚近該大臣等何人奮勇
迅速何人遲緩貽誤斷難掩飾罰罪賞功皆由自取
此旨著勝保閱後卽傳示西凌阿善祿懷遵迅速合

力撓勦再運河現泊黔運鉛船必須保護或起運收
藏著該大臣卽飭地方文武趕緊妥辦逆匪奔突剽
疾其火藥鉛丸糧米均須設法斷其接濟

上又命軍機大臣傳諭多爾濟那木凱達洪阿曰昨因
逆匪竄及天津已諭僧格林沁迅催多爾濟那木凱
達洪阿前往迎擊賊勢如此剽疾後有追兵前無堵
截豈不著著落後儘勝保趕到天津而逆匪又復分

竄該護軍統領等僅往來於近京一帶何時得與賊
遇前據僧格林沁奏車輛羸馬均已撥往應用豈尙
不能迅速行走即使地方供應不齊亦當設法前進
多爾濟那木凱雖未經出征帶隊達洪阿則久歷行
陣素稱勇敢果能迅速直前與勝保合力截剿必可
一鼓蕩平天津距京甚近關繫萬分緊要若再失此
機會又致賊匪分竄該護軍統領等何以當此重罪

也懷之勉之

同日

上命軍機大臣傳諭琦善陳金綬雷以誠慧成福濟曰
前經疊降諭旨令琦善等合力攻擊迅圖克復揚城
乃每逾旬日僅以一奏塞責揚州一城關繫江北大
局若能及早克復則瓜州京口攻剿皆易得手且移
此得勝重兵翦除皖省餘匪勢如破竹朕睠懷南顧

寢饋難安該大臣係江北總統陳金綬雷以誠等皆係特派幫辦慧成福濟統兵合剿均應協力同心迅圖克復琦善乃屢次獲罪棄取錄用之人更當如何感奮圖報朕疊次批示於責備之中仍有成全之意若竟不知愧勵坐擁重兵虛糜帑項朕惟有執法從事礮臺當已築就該大臣等卽併力進攻毋再延誤上又命軍機大臣傳諭向榮曰朕聞揚州賊匪日漸窮

蹙屢次絕城冀圖逃竄自雙來失事以後未聞有攻城之舉而安慶又被賊踞江西匪船分擾楚皖江北一帶若不趕緊肅清賊勢蔓延何所底止朕思移緩就急必以先克揚城爲要著向榮於和春蘇布通阿二員內酌派一員管帶精兵馳往江北與琦善大兵協力攻勦迅圖收復至和春現在防堵鎮江該郡爲蘇常屏蔽亦關緊要若派和春赴揚則鎮江要路必

當另派得力鎮將以資防勦不可稍存大意至揚州
既復鎮江賊勢自孤當不難次第克復其金陵巢穴
現僅防其陸路其水路賊船紛布前令湖北改造戰
船順流助勦今湖北因賊船欲撲武昌無暇製造著
向榮先行設法將下游已到紅單各船並原備艇船
酌量緩急調撥應用

初二日

癸酉

曾格林沁奏言查逆匪於九月二十

八日竄距津郡十里之遙奪有船隻現在京畿
東南倍形喫重該逆既有船隻水陸均宜防其
北犯查武清縣東南楊村地方乃由津北上水
陸要衝臣已馳抵東安擬卽移至楊村計賊匪
奪有船隻西可竄至淀河北可竄至通州東過
海河由陸路亦可直達通州皆非馬隊所能得
力此時桂良慶祺松玉等官兵應由水路自西

而東直達天津勝保派撥官兵嚴防海河並宜
慎防該逆回竄之路

同日文謙特克慎張起鵬奏言查竄天津之賊
經兵勇擊退後有餘匪在樹林內藏匿意圖梟
水過岸抄截大營後路臣等雇派在河溝暗伏
之雁戶排槍迎擊賊疑漁船欲行搶渡該雁戶
隨卽開放排槍擊斃數十人差探前途逆賊奔

回梁王莊一帶地方臣等惟有嚴加防範使賊無隙可乘勝保大兵在後追擊臣等兵勇在前堵截該匪計必窮蹙旁竄其由大城固安北竄之路應請

飭下僧格林沁嚴加防堵天津兵力單薄昨臣等接准僧格林沁札稱已派奕紀帶兵一千名來津接應俟奕紀到津卽添派兵勇會同追勦均奏入

上命軍機大臣傳諭僧格林沁曰楊村地方爲由津北
上水陸要衝該大臣駐紮該處正可迎頭截擊賊情
變幻靡常一切布置難以豫度總須時時偵探並與
勝保文謙等隨時知照何路緊要卽向何路堵截桂
良未便遠離保定慶祺松玉奕紀等所帶各兵應由
何路扼要截勦均著該大臣飛催前進無稍延緩

上又命軍機大臣傳論文謙特克慎張起鶴曰逆匪奔

回梁王莊一帶此時勝保是否已至天津或沿途獲
有勝仗朕心實深殷盼該鹽政等務卽激勵兵勇相
機攻勦卽日各路官兵趕到合力兜圍定當殄此羣
醜天津至京水陸程途及偏僻捷徑著繪圖填明里
數迅速具奏並將賊情及大兵到津布置情形隨時
奏聞

上又命軍機大臣傳諭勝保曰賊蹤剽疾亟應趁其喘

息未定合力兜剿西凌阿善祿等兵是否均已趕到
奕紀及多爾濟那木凱達洪阿所帶官兵計亦可先
後抵津此股賊匪必須於天津一帶剿戮淨盡萬不
可令其北竄水陸各要隘均應嚴密籌防其應如何
派撥分布並遏賊回竄之路著該大臣隨時知照僧
格林沁及文謙等妥速辦理桂良未便離省慶祺松
玉所帶之兵應由何路截剿著卽飛催前進毋稍遲

誤

初三日

甲戌

向榮奏言查東西梁山在金陵上游

百四十里大江之濱兩山對峙據險扼守誠難
飛越惟逆賊陸路慣於包抄必東西山得兵三
四千名方可紮定陸營水面慣於圍繞必大小
船得二三百隻方能紮定水寨再以木簞豎垛
於江心鐵索橫鎖於江岸庶可遏其衝流斷其

接濟此時湖北改造礮船驟難辦就鎮江廣局
各艇亦未上駛而大營兵力屢分之後祇有此
數又難再行分撥祇得飛調總兵音德布帶江
西折回兵二千名繞道前赴距梁山二十餘里
之蕪湖河口駐紮可以捍衛灣沚及運漕等處
米糧兼可杜塞東壩小河屏蔽蘇浙俟到有戰
船重兵再扼守梁山或扼守兔兒磯或直扼守

夾江浦口與大營聯絡庶可乘隙環攻此遠守
不如近堵之爲妥也至於五龍山沙洲墟兩礮
臺界在金陵鎮江之間象山北固山兩礮臺在
鎮城迤北必攻奪鎮城庶象山北固山可以同
時並破卽五龍山沙洲墟等處亦可不攻自下
乘此陸軍水軍直偪觀音儀鳳等門與大營倚
角會殲渠魁此分攻不如合勦之爲妥也近查

鎮城逆賊多赴金陵卽萬餘斤大礮亦搬運金陵城上鎮城賊勢漸形窘蹙已催令署提臣和春管帶師艇各鎮將水陸夾攻速拔鎮城臣查下關卽浦口之對岸儀鳳門外北岸之夾江口是也上爲雙牖洲下爲七里洲距城約六七里兩洲遙接其勢相聯臣早擬得師船數十隻精銳數千人結水陸營於雙牖七里兩洲之岸作

爲兩翼以遏賊衝惟下關距營六十餘里非從
太平神策各門賊營越過不能直達其間至水
西旱西門外亦屬進攻之路臣屢次督兵攻打
雨花臺賊營卽爲繞西面結營之意無非欲據
天塹長江扼賊咽喉無如數月以來兵勇日分
而日單鎮將日調而日少以致措手倍難臣渥
荷

天恩畀以重任於沿江形勢無時不在心目中奈大營
兵數不踰九千勇數不踰三千且聞該逆現有
南竄蘇杭之信尤不得不加意嚴防再難撥兵
分攻亦難撥兵分守此臣所以日夜焦勞不敢
明言而又不敢不直陳者也

向榮又奏言接據署提臣和春來文九月初八
日傳集各營分三路進攻鎮城初九日潮勇前

赴南門攻擊該逆突出千餘來拒我軍誘至京
峴山下分路抄截斃賊百餘名並斃黃衣賊目
一名忽北門突出二千餘賊分兩股來撲我軍
奮勇直前刀矛並刺賊屍滿地該逆勢不能支
飛奔過濠自卯至午約斃賊匪二百餘名砍獲
首級十七顆生擒四名旋據探稱逆匪有十三
日傾巢出撲之信當卽知會四川浙江各營及

水師營均各準備是日南北兩門果突出三四千賊勢甚兇狂我軍同時抄出三面夾擊槍礮環施並開放三百斤大礮斃賊數十名正在酣戰適水軍葉常春等分督廣艇浙江師船由南岸至北固山江神廟金山一帶賊有大船百餘隻划船數十隻圍繞前來被我師船轟沈大小賊船十餘隻擊斃在船逆賊並火箭火罐燒斃

者不少我軍乘勢趕至北門計共斃賊二百數十名生擒五名奏入

上命軍機大臣傳諭向榮曰前因三城久未克復降旨令該大臣於和春蘇布通阿二員內揀派一員帶兵過江北協同琦善等先克揚城次第收復鎮江金陵現在該大臣因鎮城賊勢漸形窮蹙催令署提督和春管帶師艇各鎮將水陸夾攻亦係爲急籌克復起

見惟兩日勝仗均不過小有斬獲總未大挫賊鋒似
此日延一日師老餉匱實屬不堪設想現在賊匪由
山西竄出擾及直隸近畿一帶經勝保追擊屢獲勝
仗江省若不趁此迅籌進取儻皖楚賊匪乘間又復
北竄該大臣等但擁重兵爲賊牽掣坐視北省緊急
不思赴援於心何安向榮接奉前旨應派何員帶兵
赴場協同攻克著卽密籌全局先其所急毋誤事機

同日

上命軍機大臣傳諭略秉章曾國藩曰前因江西賊匪竄擾湖北偏近武昌省垣當經諭令略秉章曾國藩派撥兵勇礮船駛往下游會剿現在台湧所帶官兵及咨調江西官兵未知何日趕到武昌兵單實恐不敷剿捕曾國藩團練鄉勇甚爲得力著卽酌帶練勇馳赴湖北合力圍攻所需軍餉等項著略秉章籌撥

供給兩湖脣齒相依漢黃一帶尤爲豫省門戶該撫等自應不分畛域一體統籌也

初四日乙亥呂賢基李嘉端奏言臣賢基於九月

初一日抵桐督同桐城知縣宮國勳等將城鄉各保團首加意激勸突於二十四日黎明探稱賊匪由皖城分道直撲集賢關張熙宇恆興等隨派兵弁等迎敵又督令賡音泰伍登庸分投

接應各施槍礮抵禦移時忽見後路火起賊匪
已抄至關前其時守營粵兵祇一百五十餘人
賊匪愈聚愈多前後左右共有六七股焚燒關
前房屋十數處張熙宇等駐紮不住始退出關
賡音泰伍登庸同時陣亡查張熙宇等經 臣嘉
端派令督率兵勇防守集賢關此次與賊接仗
奮勇血戰經歷三時之久殺賊千餘名其敗退

之故實因衆寡不敵惟集賢關係扼要重地張
熙宇等戰守不慎致有敗衄關上屋宇及帳房
鑼鍋爲賊焚燬殆盡遠行退至練潭實屬咎無
可辭應請

旨將張熙宇恆興等交部從嚴議處仍責令收拾散亡
兵勇克復集賢關以贖前愆賡音泰伍登庸奮
勇殺賊臨陣捐軀殊堪憫惜應請

旨從優賜卹以慰忠魂臣嘉端設法籌補兵勇赴關相
機進剿其湖北賊船江西戰船及江忠源統帶
之兵應請

旨飭催迅速前來臣賢基仍駐舒桐一帶號召團練杜
賊北竄俟布置稍定卽往廬州會同臣嘉端面
商一切事宜奏入

上命軍機大臣傳諭奕經呂賢基劉裕鈺曰賊匪竄擾

安慶經張熙宇扼守集賢關自應布置周妥何以逆
匪自皖城分道撲出遽將該關失守是張熙宇等前
此守禦毫無把握殊堪憤懣該逆旣向北趨設令糾
合來擾廬郡益形喫重本日復催令江忠源帶勇赴
皖並傳諭瞿騰龍帶兵前來應援但恐緩不濟急奕
經所帶官兵能否酌撥策應呂賢基擬赴廬郡扼守
其桐舒一帶亦須布置妥協再往廬州與劉裕鈺竭

力守禦總以收復集賢關不令賊蹤乘虛北竄爲要
上又命軍機大臣傳諭江忠源曰集賢關爲扼要重地
必須及早克復該撫接奉此旨著卽星夜起程不分
水陸趕緊赴任所帶練勇現在何處務令設法渡江
以資攻勦

上又命軍機大臣傳諭瞿騰龍曰皖省兵力較單恐賊
匪乘虛北竄著瞿騰龍帶兵星夜起程馳赴皖省合

力攻勦務將此股賊匪悉數殲擒毋稍延誤

同日湖北學政青麇奏言臣於九月初六日前
赴德安考試據承差稟知田家鎮兵敗興國州
失守又於十七八等日據安陸縣知縣萬成面
稟城中掣獲逃勇訊供田家鎮係已革同知勞
光泰帶領潮勇倒戈相向官兵因之傷潰二十
一日又據德安府知府易容之稟稱十七日賊

匪大股撲到漢陽漢口一帶梗塞十八日賊已入城查德安府距省二百餘里爲南北衝衢且城中之兵久經省城調去祇存二百餘名其勢甚危當卽面飭易容之萬成令其於該府所屬各縣速爲調集精壯鄉勇二三千名無分晝夜趕到城中並責成教官令其傳諭各生童內如有奮勇爭先者一同協力防守奏入

上命軍機大臣傳諭青麀曰該學政雖無地方之責值
此賊氛逼近著卽暫駐德安督飭地方文武嚴密防
堵賊匪已入漢陽府城不知武昌情形如何著卽迅
速探明具奏所稱田家鎮之敗係已革同知勞光泰
帶領潮勇倒戈所致實堪痛恨勞光泰如已通賊卽
由汝處將該犯解到凌遲處死再行奏聞如尙未通
賊自有該督撫遵旨嚴辦此時江面是否爲賊所踞

南北驛遞文報應如何繞越行走俾免稽遲貽誤之處並著該學政酌量妥速辦理仍與吳文鎔崇綸等隨時互相知照毋失事機

上又命軍機大臣傳諭吳文鎔崇綸曰據青麇奏逆股撲到漢陽於九月十八日入城漢口一帶梗塞已諭青麇暫駐德安一帶督率地方文武設法防堵並諭舒輿阿帶兵由孟縣馳赴豫楚交界應援以遏賊匪

北竄之路前諭駱秉章曾國藩酌派兵勇船礮迅赴
湖北協勦並令台湧帶兵赴省以資援應未知何日
可到該督等祇可就現有官兵妥爲守禦以待援兵
之至並將現在情形迅速奏報以慰朕懷賊至田家
鎮已革同知勞光泰所帶潮勇倒戈相向以致官兵
傷潰如果屬實亟應從嚴懲辦著該督等查明勞光
泰如已通賊卽行凌遲處死再行奏聞如尙未通賊

亦應科以軍律從重懲治至漢陽被陷文報驛站務宜設法繞道行走勿致疏失

上又命軍機大臣傳諭舒興阿曰逆匪竄入漢陽府城前此吳文鎔等亦有武昌勢難固守之奏是其情形甚屬危急皖省逆匪雖已退出裕溪口而沿江一帶賊蹤甚夥潁亳等處擒匪尙未盡除歸德一帶現在徐廣縉協同地方防勦而楚北賊勢猖獗恐復竄入

豫省該督現在河北以目下情形緩急而論自應仍
赴楚豫交界杜賊北竄爲要卽直境剿敗餘匪回竄
豫境亦可隨時搜捕如因兵力尙單郝光甲所帶之
兵現甫由晉入直跟剿業已落後該督卽可酌量調
回以資進剿其黃河渡口並著嚴飭地方官認真收
集船隻盤察奸細儻有奉行不力者卽行從嚴叅辦

初五日

丙子

僧格林沁奏言

臣

先因天津西北一

綫長隄迤南隔有上下西河二道雖陸路積水
難行而逆賊奸計百出難保不紮筏涉水旁竄
因札令培成帶兵駐紮黃花店地方茲據天津
縣稟報拏獲脅從之王和供稱逆賊一到獨流
多雇人夫將各廠木植運至河干作筏是西河
情形喫重亟宜嚴防復飛飭該侍郎由黃花店
迅速移至王慶坨扼截就近偵探設有警報督

兵迎擊至奕紀所帶官兵一千名業已抵津仍
恐單薄臣又添兵八百五十名赴津協剿並飛
札達洪阿由捷徑馳赴天津先選精銳之兵兼
程前進奏入

上命軍機大臣傳諭僧格林沁曰該大臣令培成移紮
王慶坨扼截惟培成所帶多係察哈爾之兵是否能
獨當一面逆賊搬運木植恐未必專爲作筏或欲建

立寨柵或欲平墊泥淖務須探聽確實以便攻剿突
紀所帶兵一千名又添撥兵八百五十名均應幫同
天津官兵進剿不可但令守城置之無用之地達洪
阿由捷徑赴天津係從何處行走必須趕到協剿萬
勿遲延軍情且夕不同總以相機布置迅將逆匪兜
剿淨盡勿令分竄爲要

同日安徽巡撫江忠源署湖北按察使唐樹義

奏言臣忠源自廣濟移營繞赴省城田家鎮潰散之兵亟須招集撫綏因念賊船上駛武昌十分緊急守城兵力又復單薄且賊既據有舟楫之利北可達襄陽西可抵荊州皆爲北路扼要之區是臣忠源單騎赴皖不如會兵援省兼可照顧襄樊北路因卽星夜督催各兵勇趕赴省城於巴河黃岡陽邏等處覓船渡江乃巴河賊

船乘風先至臣將抵黃岡探知府城已失又聞
頭起賊船先已上竄漢陽失守江路賊船到處
阻塞無從飛渡於九月二十一日行抵黃陂縣
臣樹義所帶防守廣濟之兵一千餘名尙屬整
齊其田家鎮招集之兵約二千名編定隊伍申
明紀律使潰散之餘復能自振卽日帶領馳赴
漢陽以圖收復若得與武昌夾江相持互爲倚

角亦足牽制賊勢又探聞賊船多已進泊漢水
臣等已移知安襄鄖荆道羅遵殿招募襄陽義
勇與臣等聲勢聯絡如果賊有窺伺襄樊之意
臣等卽由德安馳赴上游一帶扼要堵剿奏入

上命軍機大臣傳諭江忠源唐樹義曰賊船布滿江路
進泊漢水湖北武昌危急而德安襄陽緊接河南尤
爲喫重江忠源旣不能渡江赴省祇有與唐樹義合

兵先爲收復漢陽之計惟漢水賊船瞬息可到襄陽
江北各路關繫自楚入豫大局江忠源等旣在北路
卽著扼要堵截一面商同羅遵殿所募義勇協力夾
擊並號召各郡縣紳衿民勇趕緊團集合力堵禦現
已諭令舒興阿帶兵由河南直赴楚境會勦江忠源
等探知賊蹤所向何處緊急卽飛咨舒興阿由何路
迎截與該撫等官兵前後夾攻庶可得力總不可令

該逆再行擾及豫境

又命軍機大臣傳諭吳文鎔崇綸曰吳文鎔等前奏有帶兵勇於附城四面分駐之語現在是否駐紮城外揀已入城防守未據奏報倍深懸繫著將近日情形飛速入奏該督撫等務當激勵紳民兵勇等竭力堵禦堅守待援以冀轉危爲安

又命軍機大臣傳諭台湧曰據江忠源等奏省城危

急並探知黃州漢陽失守現在湖北兵力單薄當此防勦喫緊之際著台湧迅將前調官兵無分水陸星速帶往省城相機截勦該將軍兼署提督所有綠營未經徵調之兵並著挑選勁旅酌量飛調派委得力將弁一併管帶前往以資夾擊

上又命軍機大臣傳諭舒興阿曰逆匪已至黃岡府城失守賊船全泊漢水省城兵勇均屬單薄舒興阿接

奉前旨想已渡河而南著卽兼程前進直赴楚境迎擊與江忠源等兵勇併力堵剿萬不可任賊北竄郝光甲所帶之兵昨已有旨令該督調回備用著沿途偵探楚匪蹤跡並該督何時可抵楚境隨時奏聞

上又命軍機大臣傳諭裕瑞舒倫保桂明張祥河曰湖北黃州漢陽均被賊陷賊船上駛省垣極爲危急現經江忠源等會兵進剿馳赴漢陽以圖收復惟江路

賊船到處梗塞凡川陝與湖北交界地方均關緊要
必須一律嚴防著裕瑞舒倫保桂明張祥河迅派官
兵於湖北接壤各要隘嚴密防守盤緝奸宄萬不可
令賊匪闖入

上
又命軍機大臣傳諭駱秉章曾國藩曰賊匪連陷黃
州漢陽賊船現又上駛武昌被圍情形萬分危急江
忠源尙須先赴漢陽以圖收復未能卽抵武昌現已

諭令吳文鎔等悉力堅守並令台湧卽日撥兵前往
救援第兵力仍虞單弱著會國藩趕帶兵勇船礮駛
赴下游會剿以爲武昌策應所需軍餉等項著駱秉
章卽設法供支以資接濟

同日崇恩奏言查逆匪竄近天津東省武定府
屬之陽信樂陵海豐等縣均與天津逼近該逆
竄至天津一經大兵追擊非南走武定府別無

去路此時武郡防堵轉較德州喫重臣先經札
調省標兵三百名並咨調青州滿營兵二百五
十名分赴武郡茲擬親帶調防在德之省標兵
二百五十名登標兵五百名由大路取道省城
馳赴武定府督防仍留高唐營兵一百名並將
留防臨清之高唐營兵二百名調赴德州交糧
道姚錫華等統帶會同德州城守尉豐陞額就

該州現存滿綠兵勇協力守禦以杜該逆回竄
之路武定距德州較近設有緩急臣尙可相機
策應奏入

上命軍機大臣傳諭崇恩曰武定界連津南固當加意
嚴防惟逆匪現已搶有船隻一經大兵夾擊其潰匪
必圖南竄德州實當其衝該署撫將德州防兵撤向
武定僅留三百名與滿營官兵堵禦設或該逆乘虛

竄入恐難抵禦卽臨清要地亦宜撥兵防守以爲聲援該署撫當統籌全局隨時偵探賊情先其所急不可帶兵輾轉紆道致有疏虞

同日刑部奏言本年八月十六日內閣奉

上諭哈芬調度乖方畏葸無能著革職拏問由郭夢齡派員解交刑部治罪等因茲於十月初四日經山西委員將哈芬解送到部伏乞

欽派大臣會同臣部審訊奏入得

旨著派恭親王奕訢孫瑞珍會同刑部審訊

初六日

丁丑

僧格林沁奏言探聞逆匪奪有船二

百餘隻須防由上西河北駛現天津防堵嚴密不敢直撲郡城臣擬仍紮營楊村居中策應據達洪阿報稱初四日已到固安不日即可馳抵楊村設該逆仍盤踞靜海則遠截不如近勦擬

卽飭令帶兵赴津與奕紀督兵會同勝保南北夾擊以期迅掃妖氛奏入

上命軍機大臣傳諭僧格林沁曰該大臣奏稱逆匪奪有船隻恐其由上西河北駛現在仍紮營楊村與朕意符合此時該逆盤踞靜海飭令達洪阿赴津與奕紀帶兵會同勝保南北夾擊布置甚合機宜勝保初一日大獲勝仗賊匪竄回靜海城中惟勝保所帶兵

力尙單必須前後夾攻迅圖勦洗萬不可任賊築壘
立柵又成死拒之勢達洪阿此次進兵太覺遲緩著
卽飭催帶兵迅赴天津與奕紀所帶官兵飛速向前
與勝保西凌阿善祿等南北夾攻毋再遲延

同日勝保奏言 臣於九月二十七日至靜海縣
地方將賊大股追及我兵隨追隨勦殺斃逆匪
甚多賊卽遁入靜海城中 臣因兵未到齊僅帶

馬隊四百餘名步隊一千餘名未便攻勦卽在附近縣城五里地方紮營以牽制其北竄二十
八日善祿西渡阿帶兵追到臣卽令在東南進
攻臣由西南進勦直抵城關逆賊分向東南拒
敵當卽督飭馬步各隊由河西向東南抄擊賊
遂大敗我兵乘勢斬殺賊匪奔逃入城初一日
卯刻逆匪探知各營兵未到齊由南門運河東

岸遙擁而出雖經西凌阿善祿列隊堵擊 臣恐
其兵單卽由西岸策馬渡河親往督陣該逆復
由南門擁出七八千人 臣一面揮軍抵敵一面
飛調西岸德州西甯兵弁渡河接應鏖戰兩時
之久副都統維祿明慶均受槍傷尙不甚重馬
步各隊四路抄殺逆屍枕藉統計殺賊一千餘
名奪獲馬匹無數實足振軍威而寒賊膽

勝保又奏言 臣此番由深州追勦逆匪慮其長
驅北犯卽由河間抄赴青縣等處以期迅速而
沿途積潦成河各州縣地方遭賊蹂躪車馬無
從覓雇糧米爲之一空士卒負重涉淺枵腹奔
馳艱苦萬狀及至靜海城外駐紮附近村莊非
被賊擄卽爲水淹人馬斷糧絕草者三日 臣仰
荷

天恩畀以重任每遇啼飢號寒之際卽宣布奉到兩次
諭旨前次懷慶解圍在事出力文武員弁准臣開單保

奏

聖恩優渥各將士無不感激奮勉是以此次開仗以飢
寒疲乏之餘遇剽疾勇悍之寇一呼而進鏖戰
終朝卒能斬級千餘懾敵萬衆臣現飛飭德州
青縣迅速購買米麩就近接濟日內想可運到

奏八

上諭曰本日據勝保奏隨營將士於飢寒交迫遠道奔波之際猶能加倍奮勇殺賊一千餘名之多皆由爾將士等同仇敵愾素懷忠義朕知賊匪必能迅就殲除覽奏實深欣慰尤廕於懷惟願始終奮勇大功早蒞一日我將士早膺一日殊恩爾等遠離家鄉音信隔絕朕非不知爾等之心也著勝保將此殊諭與各

身之身長丁四卷之二三
三三
大員看並曉諭圍營將士知之

上命軍機大臣傳諭勝保曰逆匪在靜海城外拚死衝
突經該大臣親身督陣大振軍威實堪嘉尚昨聞賊
在南運河沿距靜海八里許紮壘本日該大臣具奏
情形似逆賊俱在靜海城內屯聚究竟此時賊衆聚
集何處是否全在靜海本日據僧格林沁奏仍駐楊
村居中調度達洪阿不日可抵楊村擬卽飭令帶兵

赴津與奕紀督兵會同勝保南北夾擊等語已諭令
僧格林沁隨時與該大臣咨商會勦並令桂良將訥
爾經額所帶之兵催令前進亦可協助兵力該大臣
惟有激勵將士迅殄羣醜萬不可令賊築壘自固又
延時日

上又命軍機大臣傳諭桂良曰逆匪竄踞靜海經官兵
奮勇攻擊奔入縣城現在勝保督調兵勇合力圍攻

僧格林沁紮營楊村截賊北竄該逆全股皆在靜海
兜剿殄滅正在此時勝保所帶之兵尙慮單薄訥爾
經額由豫帶回之兵屢次諭令撥赴勝保軍營著桂
良迅卽飭令馳抵靜海交勝保調撥毋稍遲延再據
勝保奏稱軍中糧麩匱乏我兵枵腹接仗仍能奮勇
爭先實深繫念著該督先爲籌備糧麩迅速運赴勝
保軍營以資接濟

上諭內閣曰逆匪自竄入直境雖屢經官兵追剿總未
大受懲創此次傾巢而出經我兵合力夾攻大獲勝
仗洵足寒賊膽而振軍威勝保親歷行間督兵鏖戰
實屬勇敢可嘉西凌阿善祿前因追賊落後降旨摘
去頂戴拔去花翎此次督兵進剿尙屬奮勇西凌阿
善祿均著賞還頂戴花翎副都統維祿明慶均受槍
傷雖不甚重可見臨陣尙能爭先著各賞給大荷包

一對小刀一柄交該員等祇領現在參贊大臣僧格
林沁統帶各路重兵扼要調度德勒克色楞達洪阿
伊勒東阿奕紀等各帶精兵馳赴天津一帶會同勝
保西凌阿善祿等乘勝圍攻務將逆匪卽日掃除淨
盡毋令竄逸

同日琦善陳金綬雷以誠慧成福濟奏言近日
逆匪在城頭瞭望見官兵堆築礮臺連次對臺

開礮勢甚兇悍自九月十六日至二十二日晉
康查文經督同參將馮景尼師長鑣等在徐凝
門外先後斃賊多名臣等於二十三日清晨同
時開放大礮憑高下擊城中人聲沸騰賊甚震
懼是日未刻西門迤南有賊七八十人豎梯下
城臣陳金綬暨都司色普哲訥等督兵開放擡
槍賊卽驚竄上城馮景尼在缺口門外督令千

總楊萬傑等開放銅礮正中該賊目頭顱又發
十餘礮擊塌城上礮臺一座賊匪從便益門縋
下經總兵多隆武等擊斃三十餘名並斃紅衣
賊六名黃衣賊四名餘匪遁回二十五日賊復
由便益門縋城而出多隆武督飭備弁帶兵迎
擊遇賊數十人官兵開放槍礮賊卽敗退忽從
兩旁壞壁中突出伏賊數百人官兵向前力戰

斃賊六十餘名餘賊潰遁入城二十六日賊匪數百人出南門總兵瞿騰龍等分隊設伏擊斃十餘名賊匪旋放毒煙咫尺莫辨乘隙退入城內臣琦善與臣陳金綬等悉心會議惟有乘高舉礮晝夜環攻俾賊不得少安庶可偪之出戰迅圖克復查江甯賊船連檣衝突近有竄入巢縣裕溪口之事北岸江防處處喫緊據總兵武

慶稟稱九月十九日探得賊船數百隻駛至浦口寶塔根迤東柳樹壩地方該總兵聞報卽會同副都統西昌阿侍衛伊興額帶領馬步官兵迎擊該匪登岸列隊冒死抗拒該總兵等分兵爲三路開放槍礮並用火箭火毬直攻賊船引燃船內火藥須臾烈燄飛騰自辰至申將賊船全行燒燬船中之賊焚死者不計其數其在岸

敗賊正欲回船望見船中火起歸路已斷紛紛
潰竄經馬步兵丁追擊殲斃五六百人生擒賊
匪十七名隨訊獲賊僉供江甯首逆遣大小賊
目率衆撲營報復前仇意欲北竄臣查賊匪屢
次欲從浦口北竄疊經官兵擊退該總兵武慶
獎率士卒奮勇爭先遏其北竄之路防勦實爲
出力又據派赴戴河之防禦依勒杭阿稟稱江

中賊船五隻瞥見官兵卽先開礮兵丁等開槍
縱擊落水死者三十餘人該防禦復令居民乘
筏將船奪獲焚燬

琦善又奏言提督陳金綬前因五月開北面官
兵登城接仗西路接應遲緩經臣奏摘去頂
戴該提督自被叅後益加愧奮疊次西門接仗
奮勇爭先屢經獲勝可否

賞還頂戴出自

逾格鴻施奏入

上命軍機大臣傳諭琦善陳金綬雷以誠慧成福濟曰揚城賊匪窮蹙已極城外礮臺業經築竣正可乘高下擊克復揚城毋任他竄現在江面上游一帶賊船紛竄安徽集賢關及湖北黃州漢陽各府均被竄擾若不趕緊進取儻皖楚賊匪乘閒北竄該大臣等豈

能株守一隅置大局於不顧昨有旨令瞿騰龍帶兵二千迅援皖省復命向榮派提鎮大員渡江助攻揚城該大臣等若能趁此進攻力圖克復則移兵皖省江北一帶可望肅清轉罪爲功在此一舉懷之勉之

十
諭內閣曰揚城賊匪疊被攻勦窮蹙思竄著該大臣等卽督飭將弁兵勇四面圍攻迅圖克復提督陳金綏前因接應遲緩被衆後疊次接仗尙知愧奮陳金

綬著加恩賞還頂戴